

პრევენციის ეროვნული მექანიზმის საკონსულტაციო საბჭოს წევრები



**იაგო კაკაჭიშვილი**

იაგო კაკაჭიშვილი პროფესიით სოციოლოგი, ივანე ჯავახიშვილის სახელობის თბილისის სახელმწიფო უნივერსიტეტის პროფესორი, სოციოლოგიისა და სოციალური მუშაობის მიმართულების ხელმძღვანელი.

გარდა ამისა, არის კვლევითი არასამთავრობო ორგანიზაცია „სოციალური კვლევისა და ანლიზის ინსტიტუტი“ დირექტორი. მისი უშუალო ხელმძღვანელობითა და მონაწილეობით განხორციელდა სოციალური კვლევები პოლიტიკის, განათლების, ჯანმრთელობის, იდენტობის, ეროვნულობის, დემოკრატიისა და სამოქალაქო საზოგადოების პრობლემებზე. იაგო კაკაჭიშვილი არის ათამდე წიგნისა და 60-ზე მეტი სამეცნიერო სტატიის ავტორი, რომელთა ნაწილი დაბეჭდილია ინგლისურ და რუსულ ენებზე. სხვადასხვა დროს იყო/არის: ფონდ „ღია საზოგადოება - საქართველოს“ აღმასრულებელი საბჭოს წევრი, დამოუკიდებელ ექსპერტთა კლუბის წევრი, საბუნებისმეტყველო მეცნიერებათა აკადემიის წევრი, საქართველოს სოციალურ მუშაკთა ასოციაციის საპატიო წევრი და ა.შ.



**ნინო მახაშვილი**

დაამთავრა თბილისის სახელმწიფო სამედიცინო ინსტიტუტი და აქვს ფსიქიატრის დიპლომი. ის წლების მანძილზე ინტენსიურად მუშაობდა სოციალური ფსიქიატრიისა და ფსიქოტრავმატოლოგიის სფეროში - როგორც დევნილებსა და ლტოლვილებთან, აგრეთვე პატიმრებთან, ასევე მუშაობდა წამების და ოჯახში ძალადობის მსხვერპლთა თერაპიასა და ფსიქოსოციალურ რეაბილიტაციაზე. ამჟამად ფონდის „გლობალური ინიციატივა ფსიქიატრიაში-თბილისის“ გუნდთან ერთად ცდილობს კავკასიის და ცენტრალური აზიის ქვეყნების ფსიქიკური ჯანმრთელობის დაცვის რეფორმის ხელშეწყობას და ადამიანის უფლებებზე დაფუძნებული, ჰუმანური ფსიქიკური ჯანმრთელობის სისტემების და სამსახურების დანერგვას.

ნინო ხელმძღვანელობს ილიას სახელმწიფო უნივერსიტეტის ფსიქიკური ჯანმრთელობის რესურს ცენტრს, არის ფსიქიკური ჯანმრთელობის სამაგისტრო პროგრამის ერთ-ერთი დამფუძნებელი და ლექტორი ამავე უნივერსიტეტში. ის არის პრევენციის ეროვნული მექანიზმის ეროვნული ექსპერტი; ადამიანის უფლებების და ჯანმრთელობის საერთაშორისო ასოციაციის (ISHHR) გამგეობის წევრი; ადამიანის უფლებების და ჯანმრთელობის ორგანიზაციათა საერთაშორისო ფედერაციის (IFHHRO) რეგიონული წარმომადგენელი კავკასიასა და ცენტრალურ აზიაში. ის ატარებს ტრენინგებს ადამიანის უფლებებსა და ფსიქიკურ ჯანმრთელობაზე

სხვადასხვა პროფესიონალებისთვის სხვადასხვა ქვეყანაში.	
 <p><b>ცირა ჭანტურია</b></p>	<p>წარჩინებით დაამთავრა საქართველოს ტექნიკური უნივერსიტეტის საზოგადოებრივ ურთიერთობათა ფაკულტეტი, ასევე იურიდიული ფაკულტეტი გრიგოლ რობაქიძის სახელობის უნივერსიტეტში.</p> <p>2003 წლიდან მუშაობს ორგანიზაცია „ციხის საერთაშორისო რეფორმის“ (PRI) სამხრეთ კავკასიის რეგიონულ ოფისში, რომელსაც 2010 წლიდან ხელმძღვანელობს. 10 წელზე მეტია მუშაობს წამების პრევენციისა და პენიტენციური სისტემის მონიტორინგის საკითხებზე სხვადასხვა პროექტის ფარგლებში. აქტიურად იყო ჩართული წამების წინააღმდეგ გაეროს კონვენციის ფაკულტატური ოქმის რატიფიცირების, შემდგომ კი იმპლემენტაციის ხელშემწყობ კამპანიაში. 2006-2007 წლებში ხელმძღვანელობდა რუსთავის #6 დაწესებულების საზოგადოებრივი მონიტორინგის კომისიას.</p> <p>2007 წლიდან არის წამებასთან ბრძოლის უწყებათშორისი საკოორდინაციო საბჭოს დამკვირვებელი წევრი PRI-დან. მონაწილეობდა წამებასა და არაადამიანური მოპყრობის ეროვნული სტრატეგიისა და სამოქმედო გეგმების შემუშავებაში. ამჟამად ჩართულია საქართველო-ევროკავშირის ასოცირების ხელშეკრულებით და დღის წესრიგით გათვალისწინებული წამებისა და სასტიკი მოპყრობის საკითხებზე პრიორიტეტების შესრულების მონიტორინგის პროცესში.</p>
 <p><b>ნინო გობრონიძე</b></p>	<p>ნინო გობრონიძე პროფესიით იურისტი, 2005 წლიდან მუშაობს ადამიანის უფლებათა სფეროში. ამჟამად მუშაობს ევროპის საბჭოს ოფისში, დისკრიმინაციის, სიძულვილით მოტივირებული დანაშაულისა და სიძულვილის ენის წინააღმდეგ ბრძოლა საქართველოში, პროექტის უფროსი ოფიცერი.</p> <p>2013-2017 წლებში ნინო ხელმძღვანელობდა ევროპის საბჭოსა და ევროკავშირის ერთობლივ პროექტს "ადამიანის უფლებები და ჯანდაცვა ციხეებსა და დახურული ტიპის სხვა დაწესებულებებში", ხოლო 2005-2011 წლებში საქართველოს ახალგაზრდა იურისტთა ასოციაციასა და ღია საზოგადოება სამართლებრივ ინიციატივაში სხვადასხვა პოზიციაზე მუშაობდა პატიმართა უფლებების, ინფორმაციის თავისუფლების, ფინანსური გამჭვირვალობის, სასამართლო დამოუკიდებლობისა და არჩევნების თემატიკაზე. იგი არის არაერთი პუბლიკაციის თანაავტორი.</p> <p>ნინოს დამთავრებული აქვს ცენტრალური ევროპის უნივერსიტეტის ადამიანის უფლებათა სამაგისტრო პროგრამა და, ასევე, ივანე</p>

ჯავახიშვილის თბილისის სახელმწიფო უნივერსიტეტის სამართალმცოდნეობის ფაკულტეტი.



ნონა ქურდოვანიძე

ნონა ქურდოვანიძე 2019 წლის მარტიდან ხელმძღვანელობს სამართლებრივი დახმარების პროგრამას და არის საია-ს დირექტორთა საბჭოს წევრი. პროგრამა აერთიანებს საია-ს 9 ოფისში მოქმედ იურიდიული დახმარების ცენტრებს, საკონსტიტუციო სამართალწარმოებისა და საერთაშორისო სამართალწარმოების გუნდებს. ნონა პასუხისმგებელია შესაბამისი პროგრამის სტრატეგიულ დანერგვასა და განვითარებაზე, პროგრამის ფარგლებში მიმდინარე პროექტების ეფექტიან განხორციელებაზე, სტრატეგიული სამართალწარმოების შემთხვევების მართვაზე, ასევე, შესაბამისი საორგანიზაციო და მართვის სისტემის განვითარებაზე.

იგი საქართველოს ახალგაზრდა იურისტთა ასოციაციაში მუშაობს 2009 წლიდან. სხვადასხვა დროს იკავებდა ადვოკატის, დევნილთა უფლებებთან დაკავშირებული პროექტების კოორდინატორის, იურიდიული დახმარების ცენტრის ხელმძღვანელის, წამების მსხვერპლთა უფლებებთან დაკავშირებული პროექტის კოორდინატორის პოზიციებს. ნონა 2015 წლიდან არის საია-ს გამგეობის წევრი. 2018 წლის თებერვლიდან გამგეობის მიერ არჩეულია თავმჯდომარის მოადგილედ.

იგი 2009 წლიდან არის ადვოკატი საერთო სპეციალიზაციით და პირადად აქვს ნაწარმოები 100-ზე მეტ საადვოკატო საქმე საერთო სასამართლოებში და ადმინისტრაციულ ორგანოებში.

ნონა არის 10-მდე კვლევის ავტორი/თანაავტორი, რომელიც მართლმსაჯულებას, ადმინისტრაციულ სამართალდარღვევათა კანონმდებლობას, არასათანადო მოპყრობას, მშვიდობიანი შეკრების უფლებას და გამოხატვის თავისუფლებას, დევნილთა მიმართ სახელმწიფო პოლიტიკას და სათანადო საცხოვრებლის უფლებას შეეხება.

მას მონაწილეობა აქვს მიღებული არაერთ კონფერენციასა თუ სასწავლო პროგრამაში. ნონა ქურდოვანიძე ფლობს მაგისტრის ხარისხს სამართალმცოდნეობაში.



**ბესარიონ ბოხაშვილი**

ადვოკატთა ასოციაციის საერთო კრების არჩევით ბესარიონ ბოხაშვილი 2017 წლის 09 დეკემბრიდან არის ეთიკის კომისიის არა ადვოკატი წევრი. იგი ეწევა აქტიურ საგანმანათლებლო და კვლევით საქმიანობას.

დაამთავრა თბილისის ივანე ჯავახიშვილის სახელობის სახელმწიფო უნივერსიტეტი წარჩინებით და მიიღო ბაკალავრის ხარისხი. 2015- 2006 წლებში ბესარიონ ბოხაშვილმა წარჩინებით დაამთავრა გაერთიანებული სამეფოს ნოტინგემის უნივერსიტეტი და მიიღო მაგისტრის წოდება ადამიანის უფლებათა საერთაშორისო სამართალში.

ბესარიონ ბოხაშვილი არის თბილისის თავისუფალი უნივერსიტეტის სამართლის სკოლის მოწვეული ლექტორი. 2012 წლიდან ის ასევე არის ევროპის საბჭოს ადგილობრივი წარმომადგენელი საქართველოში მოსამართლეების, პროკურორებისა და ადვოკატების იურიდიული განათლების კუთხით.

ბესარიონი ადამიანის უფლებების შესახებ არაერთი წიგნის ავტორი და თანაავტორია, განხორციელებული აქვს შედარებითი ანალიზები ცალკეულ უფლებებთან დაკავშირებით საქართველოში არსებულ კანონმდებლობას, პრაქტიკასა და საერთაშორისო სტანდარტებს შორის. ბესარიონი არის იუსტიციის უმაღლესი სკოლის, თბილისის თავისუფალი უნივერსიტეტის, კავკასიის სამართლის სკოლის, ახალგაზრდა იურისტთა ასოციაციის განათლებისა და ტრენინგების ფონდის ლექტორი და ასოცირებული პროფესორი.

2004-2005 წლებში მუშაობდა ახალგაზრდა იურისტთა ასოციაციის სტრატეგიული სამართალწარმოების ადვოკატად.

2005-2007 წლებში მუშაობდა სახელმწიფო წარმომადგენლად ადამიანის უფლებათა ევროპულ სასამართლოში.

2009 წლიდან დღემდე ბესარიონი მუშაობს ევროკავშირის პროექტის ჯგუფის ხელმძღვანელად, ახალგაზრდა იურისტთა ასოციაციის აღმასრულებელ დირექტორად, იგი ასევე იყო ევროსაბჭოს, ევროკავშირის, გაეროს განვითარების ფონდის, გაეროს ადამიანის უფლებათა უმაღლესი კომისრის ოფისის, გაეროს ბავშვთა ფონდის, გერმანიის ტექნიკური დახმარებისა და თანამშრომლობის ფონდის, საერთაშორისო სამართლებრივ საკითხებში გერმანიის დახმარების ფონდის ექსპერტი ადამიანის უფლებათა საკითხებში.

	ამჟამად ბესარიონ ბოხაშვილი არის გაეროს ადამიანის უფლებათა უმაღლესი კომისრის ოფისის წარმომადგენელი საქართველოში.